

# ENYANJULA ERI OKUYIGA BAIBULI

**Enyanjula ku Kuyiga Baibuli: Eby'okusomako**

**Eby'okuwandiika —**

**EKIBIINA 1:**

- I. Enyanjula ku Kuyiga Baibuli.
- II. Okwetegereza.

**EKIBIINA 2:**

- III. Okuvuunula.
- IV. Eky'okola.

**EKIBIINA 3:**

- V. Okweteekerateekera Eby'okola mu Massomo g'Okuyiga Baibuli.

**EKIBIINA 4:**

- V. Okweteekerateekera Eby'okola mu Massomo g'Okuyiga Baibuli.  
(okwongerako)

**EKIBIINA 5:**

- VI. Okumaliriza Essomo.  
Ekigezo.

# ENYANJULA ERI OKUYIGA BAIBULI

Eby'okuwandiika—

## Enyanjula ku Kuyiga Baibuli: Ekigezo

Amassomo “g'Okuyiga Baibuli” tegalina bigezo ng'amassomo amalala. Ekiseera ky'ebigezo kyakukozesebwa Kuyiga Baibuli.

Essomo ly'enyanjula lino liruubirira kubeerako na byakutunulira. Omuyizi aweebwa ekitundu okuva mu Baibuli era aba ajja kukozeza ekiseera ky'ekigezo okuyiga ekitundu ekyo abeeko n'ensonga zajamu oba zawa. Omuyizi asobola okubaako ensonga nyingi zawa okusinziira ku budde bwalina, naye avunanyizibwa okuwa ensonga kumi ezisinga okuba enkulu. Ensonga zino kumi zisengekebwa okusinziira ku bukulu, ebirabwamu, obutangaavu, n'ebirala.

# ENYANJULA ERI OKUYIGA BAIBULI

## Amassomo Ataano agali mu Bitundu by'Okuyiga Baibuli:

Eby'okuwandiika —

### 1. Enyanjula ku ssomo ly'Okuyiga Baibuli.

Essomo eritwaala esaawa 20 eryanjula engeri y'okuyiga Baibuli.

Ekitundu ekisooka eky'essomo kiwa okuwumbawumbako okutonotono okw'amasa ag'enjawulo **agakwaata** ku Kuyiga Baibuli. Enkola eno ey'okuyiga Baibuli egibwa mu kitabo, **Enkola z'Okuyiga Baibuli**, ekyawandiikibwa Robert Traina. Kirimu okumanya, okuvuunula, n'okukozesa.

Ekitundu ky'essomo eky'okubiri kiwa enyanjula ku kitabo ky'Abafiripi, omuli ensonga enkulu eziragibwa mu kitabo ekyo. Kuno kwetegekera amassomo ana agaddako mu ssomo lino. Ekisinga obukulu, omuyizi atandika okuyiga engeri y'okumanya.

Ebiri mu somo erisooka byetaaga biyitibwemu era ng'oyiga amassomo amalala agali mu kitundu kino. Omusomesa n'abayizi okusinga bayinza okwagala okuddamu okuyita mu kitundu ekiyitibwa **ebirina okumanyibwa**.

### 2. Ebikolebwa mu Ssomo ly'Okuyiga Baibuli 1.

Essomo eritwaala esaawa 20 erikozesebwa okuyiga Baibuli. Omuyizi akozesa ebyayigiddwa mu ssomo ly'enyanjula okukola essomo erikwaata ku Bafiripi 1:1-2:18.

### 3. Ebikolebwa mu Ssomo ly'Okuyiga Baibuli 2

Essomo eritwaala esaawa 20 erikozesebwa okweyongera okuyiga Baibuli. Omuyizi yeyongera okuyiga Bafiripi (2:19-4:23).

### 4. Ebikolebwa mu Ssomo ly'Okuyiga Baibuli 3.

Essomo eritwaala esaawa 20 okutwaala mu maaso obusobozi bw'omuyizi okuyiga Baibuli n'okwogeraganya n'abalala. Okuyita mu ssomo lya Malaki 1:1-2:16, omuyizi akozesa ebyayigiddwa ku kuyiga Baibulio kwongera obusobozi bwe okumanya ebyawandiikibwa, okubivuunula, awamu n'okubikozesa.

### 5. Ebikolebwa mu Ssomo ly'Okuyiga Baibuli 4.

Essomo eritwaala esaawa 20 erimaliriza ebitundu, n'essomo lya Malaki 2:17-4:6.

# ENYANJULA ERI OKUYIGA BAIBULI

Eby'okuwandiika —

## Eby'okola mu Kuyiga Baibuli

Ebitundu bino biva mu kitabo, **Enkola z'Okuyiga Baibuli**, ekyawandiikibwa Robert Traina. Amassomo wegasinga okukolera wewano, singa gasobola okuyigibwa awamu n'eby'okola bino wansi:

1. Enyanjula ku Kuyiga Baibuli: Soma empapula 8-62 mu kitabo ekyawandiikibwa Traina.
2. Ebikolebwa mu Kuyiga Baibuli 1: Soma empapula 65-109 mu kitabo ekyawandiikibwa Traina.
3. Ebikolebwa mu Kuyiga Baibuli 2: Soma empapula 110-166 mu kitabo ekyawandiikibwa Traina.
4. Ebikolebwa mu Kuyiga Baibuli 3: Damu oyitemu mu kitabo ekyawandiikibwa Traina.
5. Ebikolebwa mu Kuyiga Baibuli 4: Damu oyige empapula 28-45, 54-58, ne 66-108 mu kitabo ekyawandiikibwa Traina.

Eby'okola mu kuyiga Baibuli byetaaga era biweebwe mu buli ssomo erisoomooza omuyizi okumanya, okuvuunula, n'okusobola okukozesa ekitundu ekiri mu Baibuli.

Omusomesa yetaaga okukozesa ebiri mu buli ssomo okutwaala abayizi mu kukubaganya ebirowoozo. Wetaaga wabeewo okwenyigiramu kwa bayizi kunene ng'omusomesa agezaako okukulemba n'okulaga abayizi okumanya, okuvuunula, n'okusobola okukozesa.

# ENYANJULA ERI OKUYIGA BAIBULI

## I. Enyanjula ku Kuyiga Baibuli.

### A. Ebikwaatagana ku Kuyiga Baibuli.

#### 1. Baibuli.

- a. Baibuli ky'ekigambo ekyalungamizibwa Katonda (2 Tim 3:16).
- b. Omuwandiisi waayo ye Mwoyo Omutukuvu. Omuwandiisi yakozesa muntu (2 Peet 1:21).
- c. Nolwekyo, Baibuli ky'Ekigambo kya Katonda mu lulimi lw'omuntu.

#### 1) Ekigambo kya Katonda.

- a) Tekiriimu nsobi. Kisobola okwesigibwa (Zab 119:89; Mat 24:35).
- b) Si kitabo butabo. Kiramu. Kirina amaanyi (Beb 4:12).

#### 2) Mu lulimi lw'omuntu.

- a) Kubanga Baibuli yawandiikibwa mu lulimi lw'omuntu, yetaaga okuyigibwa okusinziira ku bigambo ebiwandikiddwa, ebyafaayo, obuwangwa, n'ebigambo kyebitegeeza. Baibuli yawandiikibwa bantu. Tulina okulowooza ku ngeri omuntu gyayogeraganyamu (ebigambo ebiwandikiddwa). Tulina okulowooza ku byabaawo (ebyafaayo). Tulina okulowooza ku mpisa za bantu oba byebakola (obuwangwa). EkiSEMBAYO, tulina okulowooza ku muntu byalowooza bwebiddiringana (kye bitegeeza).
- b) Nga Dr. Charles Holman bwawandiika: “Nga bwekiri ekikyaamu obutakkiriza nti Yesu Kristo yali nga omuntu, bwekiri ekikyaamu okugaana nti Baibuli teyawandiikibwa bantu. **Tetugamba** nti Baibuli nkyaamu era eyigiriza bya bulimba, naye era tulina okukkiriziganya n'obubaka bwa Katonda obujja gyetuli okuyita mu nkola eza bulijjo ez'ebirowooza by'omuntu mu kiseera ekigere n'obuwangwa, bwetuba ab'okukozesa ekigambo kya Katonda mu ngeri entuufu.”<sup>2</sup>

Eby'okuwandiika —

# ENYANJULA ERI OKUYIGA BAIBULI

Eby'okuwandiika—

## 2. Okuyiga.

- a. Abakristaayo balagirwa **okuyiga** Baibuli (2 Tim 2:15).
- b. Okusoma obusomi Baibuli tekimala. Erina okuyigibwa n'obwesimbu okusobola okugikwaata obutuufu.
- c. Tesobola kusomwa busomi na magezi. Eteekwa okusomebwa era okuyigibwa n'Omwoyo (1 Kol 2:14, 15).
- d. Erina okusomebwa n'okuyigibwa okuyita mu kusaba (Zab 119:12, 18).
- e. Kirina okusomebwa n'okuyigibwa obutakoowa (1 Peet 2:2, 3; Zab 1:2; 119:15, 16).
- f. Omusomesa wa Baibuli ye Mwoyo Omutukuvu (Yok 16:13-15).

## 3. Ebituukibwako.

- a. Ebituukibwako mu kuyiga Baibuli binoonya okuvumbula Baibuli kyegamba. Tebigezaako kutegeeza Baibuli kya kugamba (okuyiga Baibuli mu magezi).
- b. Ebituukibwako mu kuyiga Baibuli bitandika na biki ebiri mu Byawandiikibwa ne bibigoberera okutuuka ku nkomerero ZAABYO. Okuyiga Baibuli mu magezi kutandika na nkomerero ZAAGO ate ne kugezaako okukozesa Baibuli okukakasa ensonga yaago.
- c. Okunoonya ebituukibwako mu kuyiga Baibuli kugeezako obutaba na ludda gyekwekubiira mu kwo. Tekulina “njigiriza ziri awo zinyonyoddwa” zekwagala kuwagira. Kyekwagala okunoonya kiri kimu: Baibuli kegambe kyegamba.

**Eky'okubaganyako Ebirowoozo**

Ebigendererwa byaffe ki kyebikola ku kuyiga kwaffe Baibuli?  
Endowooza zaffe ku Baibuli ki kyezikola ku kuyiga kwaffe Baibuli?

# ENYANJULA ERI OKUYIGA BAIBULI

## B. Amadaala Asatu ag'Ebituukibwako mu Kuyiga Baibuli (ebitundu byonna kyebiruubirira):

Eby'okuwandiika —

1. Okumanya.
2. Okuvuunula.
3. Ekyokola.

### Omuwandiisi Kyakyogerako:

Katufune okunyonyola kutono okwa buli daala ery'ebituukibwako mu Kuyiga Baibuli. Ng'osoma eby'okola byo mu kitabo kya Traina okutegeera kwo okwa buli daala kujja kweyongera. Ng'oyita mu buli ssomo ojja kufuna omukisa okussa mu nkola buli daala awamu n'okutegeera engeri buli daala gyerikwaatagana ne linaalyo.

## II. Okumanya.

### A. Enyanjula ku Kunoonya Okumanya.

1. Enkola y'okunoonya ebituukibwako mu kuyiga Baibuli eringa enkola y'okuzimba ennyumba eya maanyi. Kimanyiddwa nti, ekintu ekikulu ku kuzimba ennyumba eya maanyi kiri mu maanyi ga musinji gwaayo Omusinji gw'ebituukibwako mu kuyiga Baibuli “Ennyumba” kwe **KUMANYA**.
  - a. Okumanya tekuwa Baibuli kyetegeeza. Kuwa buwi kumanya biwandiikiddwa mu Baibuli.
  - b. Tekutera kubeera “kubikkulirwa”, naye kutera okuleeta “okubikkulirwa”.
  - c. Okumanya tekulina wekugwa. Tekulina birowoozo byekuwa. Kyekukola kiri kimu, kuwa kumanya byawandiikibwa.

# ENYANJULA ERI OKUYIGA BAIBULI

Eby'okuwandiika—

2. Okumanya kuleeta okumanya:

- a. Ebigambo ebikozesebwa.
- b. Engeri ebigambo gyebikozesebwa.
- c. Enkolagana y'ebigambo.

## **B. Okumanya Ebigambo Ebikozesebwa.**

1. Tuyinza okumanya (okumanya nti waliwo) ekigambo ekirabika okuba ekikulu mu kutegeera ekirowoozo. Oba tusobola obutategeera ebigambo ebimu kyebitegeeza. Mu buli ngeri, twagala okwongera okumanya ebikwaata ku kigambo ekyo.

- a. Ekigambo kitegeeza ki?
  - 1) Mu lulimi lwo.
  - 2) Okusinga ennyo, mu lulimi Oluyonaani mwekyavuunulwa.
- b. Ekigambo kya kika ki?
  - 1) Kigambo kya kintu kimu oba bingi?
  - 2) Kiragiho? Ekyaweebwa edda?
- c. Ekigambo kikozebwa ngeri ki mu Byawandiikibwa ebirala?

2. Damu oyite mu mpapula 28-30 mu kitabo kya Traina.

3. Tujja kubaamu n'okuyiga ebigambo mu massomo g'Ebyokola mu Kuyiga Baibuli. Kijja kuyamba okuba n'ekitabo oba ekitundu mu Baibuli ekitunyonyola ebigambo oba ekigambo kyekitegeeza (concordance) n'ebimu ku biyamba mu kuyiga n'okumanya Oluyonaani.



# ENYANJULA ERI OKUYIGA BAIBULI

## C. Okumanya Ebigambo Ebikozesebwa n'Enkolagana y'Ebigambo.

Eby'okuwandiika —

Mu by'okumanya mulimu ebintu eby'enjawulo bisatu.

1. Mulimu ebirimu, entegeka (nga Traina bwabiyita), oba “ebitundu” nga bwetunabiyita wano.
  - a. Ebitundu eby'okumanya ebigambo bwebikozesebwa bye bino: ebigambo, ebigambo ebikozesebwa, n'enyiriri.
  - b. Ebitundu eby'ebigambo by'okumanya bye bino: ebitundu, obutundu, n'ebitabo.
  - c. Damu oyite mu mpapula 30-31 mu kitabo kya Traina.
2. Okumanya kulimu enkolagana wakati w'ebitundu.
  - a. Eno y'enkolagana egatta awamu ebitundu eby'enjawulo bibiri (eky'okulabirako enkolagana eyitibwa “okuddingana” y'eyo eyinza okugatta ebigambo ebibiri awamu oba enkolagana eyitibwa ebintu eby'enjawulo y'eyo eyinza okugatta ebitundu ebibiri awamu).
  - b. Enkolagana z'enkozesa z'ebigambo (enkolagana wakati w'ebigambo, n'enyiriri) zitera okulabwa nga ogenderedde okumanya “ebigambo ebikulu ebigatta enyiriri”.

### **Eky'okulabirako**

Ekigambo ekigatta ekiyitibwa “**NAYE**” mu Baf 1:20 kiraga enkolagana **EY'OKUGERAGERANYA** wakati w'ebigambo bibiri (ebitundu) “**OKUSWAZIBWA**” ne “**N'OBUVUMU BWONNA.**” Damu oyite mu mpapula 33-39 mu kitabo kya Traina.

- c. Enkolagana z'ebigambo (nga z'enkolagana wakati w'ebitundu n'ebitabo) zitera okulabwa oluvanyuma lw'omutunulizi okulowooza ku kitundu ekyo oba akatundu konna kyekategeeza.

# ENYANJULA ERI OKUYIGA BAIBULI

Eby'okuwandiika —

## Eky'okulabirako

Omunoonyereza bwamala okulowooza kiki ebirowoozo bya Lub 13-14 ne Lub 18-19 kye biri, ayinza okulaba enkolagana y'**OKWEYONGERAYO** eriwo wakati w'ebitundu ebibiri. Damu olabe empapula 39-42 mu kitabo kya Traina.

3. Okunoonyereza kulimu okujuliza Ebyawandiikibwa. Omuyizi bulijjo alina okujjukira okussaamu ekyawandiikibwa oba ebyawandiikibwa mu biki byaba afunye okuva mu kunoonyeraza kwe.

### Omuwandiisi Kyakyogerako:

Olukalala lw'enkolagana oluddako ndagiro ya kunoonya nkolagana ziriwo wakati w'ebitundu (eby'okulabirako okuva mu kitabo kya Bafiripi).

1. **OKUDDINGANA:** ebigambo, ebirowoozo n'ebirala ebiddiringanwa (1:1, 2).
2. **EKIRUUBIRIRWA:** ekiruubirirwa ky'ekikolwa (1:9, 10).
3. **ENSONGA:** lwaki ekintu kyakolebwa (1:4, 5).
4. **EKIGENDERERWA:** ekyo ekizaamu amaanyi (1:15).
5. **EKILEETA N'EKIKOLEBWA:** ekivaamu ebibala (1:12-26 ne 2:19-30).
6. **ENKOLA:** engeri ekintu gyekituukirizibwa (1:19).
7. **OKUWUMBAWUMBAKO OBA OKUMALIRIZA:** okuddamu okwogera kyewayogedde edda oba okumaliriza ensonga (4:8).
8. **ENYANJULA:** ekyo ekiteekerateekera ekintu ekirala (3:1).
9. **OKWONGERAYO:** okuddingana ebigambo, ebirowoozo n'ebirala. (4:7, 9).
10. **OKWEYONGERAYO:** okwongera okwogera ku nsonga gyobaddeko (1:27-2:18 ne 3:1-4:9).

# ENYANJULA ERI OKUYIGA BAIBULI

Eby'okuwandiika —

11. **OKUGERAGERANYA:** okugerageranya ekintu ekimu ku kirala (3:2).
12. **EBIKONTANA:** okukolawo ebikontana oba ebirala ebitali ekyo (3:17-19).
13. **EKINTU EKIMU:** okuva ku kya wamu okudda ku kintu ekimu (1:3-8 ne 1:9-11).
14. **EKYA WAMU:** okuva ku kintu ekimu obumu okudda ku kya wamu (4:8).
15. **OKUNYONYOLA:** okunyonyola oba okugaziya ku kintu kyekitegeeza oba gyekitegeerwamu (2:12, 13).
16. **ENSIBUKO:** ekintu kimu kiva mu kirala (1:6).
17. **EBYOGERA KU KINTU:** okunyonyola kw'ekintu (3:2, 3).
18. **EBINTU EBIDDIRINGANA:** olukalala lw'ebirowoozo, endowooza, n'ebirala (3:4-6).
19. **OKUWOLEREZA OBA OKUWAGIRA:** lwaki ekintu kikkirizibwa oba kyagalwa okuba ekituufu oba okuba nti kyabaawo (1:29).
20. **KYEKITEGEEZA:** ekintu ekimu kitwaala mu kintu kirala (2:12).
21. **EKIRALA EKIYINZA OKUDDA MU KIFO KY'EKINTU EKIRALA:** ekintu ekimu okudda mu kifo ky'ekintu ekirala (4:6).
22. **OKUKOZESA:** okussa enono mu nkola (3:11-16 ne 3:15-16).
23. **OBUTEKUUBIRA:** obutatunulira ludda lumu naye okutunulira buli ludda. (3:12).
24. **EBISEERA N'EKIFO:** enkolagana ezinyonyola "ddi" ne "wa" (4:15).
25. **EKIVAAMU:** ekiva mu kintu ekikolebwa, mu kirowoozo n'ebirala. (4:6, 7).
26. **OKUBUUZA EKIBUZO:** ekibuuzo n'eky'okuddamu (1:18).

# ENYANJULA ERI OKUYIGA BAIBULI

Eby'okuwandiika —

## Eky'okulabirako ky'Okwetegereza Ensonga:

Okwetegereza kwennyini kulimu ebintu eby'enjawulo bisatu Eky'okulabirako kino wansi kiraga ebintu bino ebisatu.

Okwetegereza - Ekigambo **“EKY'ENKOMERERO” KIDDIDWAMU** emirundi ebiri (3:1 ne 4:8).

1. Ebitundu bye bigambo (“eky'enkomerero”).
2. **ENKOLAGANA WAKATI W'EBITUNDU** kuba kuddingana.
3. **EKYAWANDIIBWA EKIJULIZA** kiri 3:1 ne 4:8.

Jukira: Enkolagana wakati w'ebitundu erina okubaamu waakiri ebitundu bibiri. **Okuddingana** kulina okuba waakiri n'ebitundu bibiri (ekintu ekimu kwe kuddamu ekirala). **Ekigendererwa** kirina okubaamu waakiri ebitundu bibiri (ekintu ekimu kyekigendererwa ky'ekintu ekirala).

## D. Obukulu bw'okwetegereza.

1. Okwetegereza kukola omusinji gw'okuyiga Baibuli.
  - a. Okwetegereza kwe kutwaala mu kuvuunula (ebibuuzo n'okuddamu ebibuuzo).
  - b. Okuvuunula kwe kutwaala mu by'okola.
  - c. Enkola y'okuva mu kwetegereza okudda mu kuvuunula okudda mu by'okola y'enkola y'okuva ku myaka 45-100 A.D (Nga Yesu Amaze Okuzaalibwa) okutuuka ku mwaka gwe tulimu.

Kati



45-100 A.D.

Eky'okola

Okuvuunula

Okwetegereza

Eky'okola okusinziira ku kuvuunula


Okuvuunula okusinziira ku kwetegereza

Okwetegereza okusinziira ku Baibuli kyegamba

# ENYANJULA ERI OKUYIGA BAIBULI

2. Okwetegereza kulina kyekukola ku maanyi g'okuyiga Baibuli.

- a. Kyetaagisa enkola y'okuyiga Baibuli ebeere mu ntegeka y'okuddiriragana. Enkola essa okwetegereza mu maaso g'okuvuunula n'okuvuunula mu maaso g'eby'okola.
- b. Amaanyi g'enkola eyo waggulu ey'okuyiga Baibuli okusinziira bweyawandiikibwa galina kyegajja okukola ku maanyi g'enkola eddako wano wansi. Mu byonna, okwetegereza gyekukoma okuba okwa maanyi, n'eky'okola gyekyeyongera okuba ekya maanyi.
  - 1) Okwetegereza okusinga okuba okutuufu kuleeta byakola bisinga kuba bituufu.
  - 2) Okwetegereza okusinga okuba okutegeerekeka kuleeta byakola bisinga kutegerekeka.
  - 3) Okwetegereza okusinga obukulu kuleeta byakola bisinga bukulu.
  - 4) Okwetegereza, okusinga okuba nga kutuukiridde kuleeta byakola ebisinga okuba nga bituukiridde.
  - 5) Okwetegereza okusinga okulagira ddala ekintu kyekiri kuleeta byakola ebisinga okulagira ddala ekintu kyekiri.



**Eky'okubanganyako Ebirowoozo**

Waayo eby'okulabirako eby'engeri okuddiringana kuno gyekubaawo, ebirungi oba ebituufu n'ebikyaamu oba ebibi.

Eby'okuwandiika —

# ENYANJULA ERI OKUYIGA BAIBULI

Eby'okuwandiika—

## III. Okuvuunula.

### A. Enkola y'okuvuunula erimu amadaala abiri.

1. Okuvuunula kuleeta ebibuuzo ebiwagirwa okwetegereza.
2. Okuvuunula kuleeta okuddamu ebibuuzo okwesigamye ku kwetegereza.

### B. Waliwo ebika ebikulu bisatu eby'ebibuuzo ku kuvuunula.

1. Ekibuuzo okunyonyola - ekibuuzo ku kiki kyekutegereza.
  - a. Ebigambo kyebitegeeza. Ekigambo **“EKY'ENKOMERERO”** (Baf 3:1 ne 4:8) kitegeeza ki?
  - b. Enkolagana y'ebigambo kyetegeeza. Ekigambo ekigatta olunyiriri (1:5) ku nyiriri ezisooka "OLWA" kitegeeza ki ?
  - c. Enkolagana y'ebigambo ebiva mu kikulwa. Ekigambo okugulumizibwa (2:9-11) kitegeeza ki?
2. Okuwagira - ekibuuzo ki "lwaki".
  - a. Lwaki? Ebigambo - Lwaki Paulo akozesa ekigambo **“OKUBEERA”** mu 2:6?
  - b. Lwaki? Enkolagana y'ebigambo. Lwaki okusibibwa kwa Paulo kuviiramu njiri kubunyisibwa?
  - c. Lwaki? Enkolagana y'ebigambo ebiva mu kikulwa. Lwaki kituufu nti okugulumizibwa kye kiva mu kufa ate okufa y'enkola (2:5-9)?

# ENYANJULA ERI OKUYIGA BAIBULI

- d. Ebibuuzo bi "lwaki" bisobola okukolebwa ku madaala g'ebyaafaayo oba okusenziira ku bigambo kyebitegeeza oba ku bya Katonda.
- 1) Lwaki?: Edaala ly'ebyaafaayo (lwaki kyakolebwa oba lwaki kyabaawo?) Lwaki Epapuladito yayagala okuddayo e Filipi (2:25) ?
  - 2) Lwaki? Edaala ly'ekigambo kyekitegeeza (lwaki omuwandiisi yawandiika byeyawandiika era yabiwandiika ngeri ki)? Lwaki Paulo yayimirizaamu ebiragiro bye (1:27-2:18 ne 3:1-4:9) okunyonyola nti ajja kutuma Timoseewo ne Epapuladito (2:19-30)?
  - 3) Lwaki? Edaala ly'ebya Katonda (Lwaki ebigambo ebyogerwa bituufu oba lwaki byetaagisa)? Lwaki kituufu nti okuba omulamu ye Kristo ate okufa ge magoba (1:21)?
- e. Genderera nti ebibuuzo bi "lwaki" ebikwaata ku bigambo bisobola okubuuuzibwa ku limu ku madaala asatu (ebyaafaayo, ekigambo kyekitegeeza, oba ebya Katonda). Eky'okulabirako, lowooza ku kigambo **“OMUDDU”** mu 1:1.
- 1) Lwaki Paulo yerowoozako nga **“OMUDDU”** (edaala ly'ebyaafaayo)?
  - 2) Lwaki Paulo yakozesa ekigambo **“OMUDDU”** (edaala ly'ekigambo kyekitegeeza)?
  - 3) Lwaki kituufu nti Paulo **“MUDDU WA KRISTO YESU”** (edaala ly'ebya Katonda)?
- f. Kino era kituufu ku bibuuzo bi "lwaki" ebikwaata ku nkolagana y'ebigambo kyebitegeeza. Bisobola okubuuuzibwa ku madaala gonna asatu.

Eby'okuwandiika —

**Eky'okubaganyako Ebirowoozo**

Kozesa ekifananyi ekiddako okuyamba okuwumbawumbako n'okunyonyola obusobozi obw'enjawulo.

# ENYANJULA ERI OKUYIGA BAIBULI

Eby'okuwandiika —

	<b>Ebyafaayo</b>	<b>Ebigambo kyebitegeeza (Ebigendererwa by'Omuwandiisi)</b>	<b>Enjigiriza</b>
<b>Okwetegereza ebigambo</b>	Lwaki waaliwo abakadde mu Kkanisa?	Lwaki Paulo yakozesa ekiga- mbo bakadde?	Lwaki kituufu nti waliwo abakadde mu Kkanisa?
<b>Okwetegereza enkolagana y'ebigambo</b>	Lwaki Paulo yasabira Abafiripi?	Lwaki Paulo yassa essira ku kuba nti yasabira Abafiripi?	Lwaki kituufu nti okusaba kwetaagisa nyo mu buweereza bw'obutume
<b>Okwetegereza enkolagana y'ebigambo ebiva mu kikolwa</b>	Lwaki Paulo yatuma Timoseewo?	Lwaki Paulo yayimirizamu ebbaluwa ye okugamba nti ajja kutuma Timoseewo	Lwaki kituufu mu by'okubuulira enjiri okutuma omuntu okuddayo? (kiringa ekyogera ku kuvuunula)

### 3. Kye bitegeeza.

- Ebibuuzo bino bisinziira ku kuddamu ebibuuzo bi "lwaki".
- Bibuuzo ebibuuzo kyekitegeeza, oba ebiva mu kuddamu okumu.
- Ebibuuzo ebibuuzo ku kigambo/ebigambo kyebitegeeza bisobola okukozesebwa nga entindo wakati w'okuvuunula n'eky'okola.



# ENYANJULA ERI OKUYIGA BAIBULI

## Eky'okulabirako

Eby'okuwandiika —

Wayinza okubaawo eky'okuddamu eri ekibuuzo, **“Lwaki Paulo agamba nti okufa ge magoba?”** (1:21).

Okusinziira ku kuddamu okwo tusobola okubuuza ekibuuzo nti "kitegeeza ki?, **“Okuddamu kuno kutegeeza ki eri Abafiripi?”**

### Omuwandiisi Kyalowooza:

Ebirowoozo ku kukolawo ebibuuzo ku kuvuunula:

1. Gezaako ekibuuzo kyo okukikola nga kimpi era kitegeerekeka.
2. Kakasa nti ebibuuzo byo biva mu bintu byewetegerezza.
3. Togezaako kuvuunula mu bibuuzo byo.

Ekibuuzo ekirungi: **Lwaki Paulo yassaamu ekigambo "abalabirizi"?** (Baf 1:1).

Ekibuuzo ekibi: **Lwaki Paulo yassaamu ekigambo "abalabirizi" nga engeri y'okukolawo enjawulo wakati wa bakulembeze n'ekibiina?**

### C. Okuddamu ku Kuvuunula.

1. Okuddamu kulina okuba nga kwesigamye ku kwetegereza. Olina okuba ng'osobola okuwagira okuddamu kwo n'ebyawandiikibwa mu Baibuli.
2. Ebiseera ebimu oyinza okwetaaga okuleka kyekitegeeza okusinziira nga bwekiri awo wosomye, naye walina okubaawo okufaayo okwa mazima eri okuddamu ekibuuzo nga okozesa kyekitegeeza okusinziira nga bwekiri awo wosomye, nga tonaba kugenda ku bitundu birala mu Baibuli.

# ENYANJULA ERI OKUYIGA BAIBULI

Eby'okuwandiika —

## Omuwandiisi Kyakyogerako:

Tegeera olukalala olwo wansi olw'ebintu byewetaaga okugoberera n'oddamu ebibuuzo ku kuvuunula:

- 1) Kyekitegeeza awo wosoma (ebigambo, enjogera ekozesebwa, obutonyeze, n'enyiriri ezikulemba n'eziddako ku kitundu ky'Ebyawandiikibwa ekiri mu kibuuze).
- 2) Ebitundu byewasoosa okusoma.
- 3) Obutundu obw'enjawulo bwewasoosa okusoma.
- 4) Ebitundu by'ekitabo ebirala.
- 5) Ebika by'ebigambo (bwoba ng'oddamu ekibuuzo okuva mu njiri kiba kirungi okusooka okulowooza ku njiri endala nga tonnalowooza ku kitabo kya bunnabbi).
- 6) Endagaano Empya oba Enkadde (kiba kirungi okusooka okulowooza ku Ndagaano Empya ekibuuzo bwekiba kiva mu kitundu ekiri mu Ndagaano Empya).
- 7) Ebirala ng'ogyeeke Baibuli.

Genderera: Okutambula okuva ku kwetegereza okudda ku kibuuze okudda ku kuddamu birina okuba nga birabika. Tujja kuba n'emikisa egimala okussa mu nkola okutambula kuno mu massomo g'Ebikolebwa mu Kuyiga Baibuli.

## IV. Eky'okola.

### A. Enyanjula ku kukolawo Eby'okola.

1. Eby'okola bikiikirira ekibala ky'okuyiga Baibuli. Kwe kutwaala ekyo kyoyize nokikola. Enkola ey'okussa mu nkola y'enkola ey'okuzaamu amaanyi n'okusoomooza oyo asoma okussa mu nkola Baibuli byegamba mu bulamu bwe. Waliwo engeri ez'enjawulo okulaga okusoomooza okwo.
2. Ebimu ku byoyinza okukola ebifanagana bikwaatagana n'edaala ly'okukola nga bwekiri mu madaala g'Okuyiga Baibuli amalala (eky'okulabirako, laga ekintu kyennyini, kilambike bulungi, kisse mu mu nkola, n'ebirala).

# ENYANJULA ERI OKUYIGA BAIBULI

## B. Eby'okozesa mu nkola y'okussa mu Nkola.

1. Engero za Baibuli (okukozesa enono za Baibuli nga okozesa ekyabaawo oba olugero okuva mu Baibuli).

### Eky'okulabirako

Oba oli awo byewetegerezza ne byovuunudde bikukulembedde okukolawo enono y'obukulu bw'okugondera Katonda. Okussa kino mu nkola, oyinza okutandika ng'ojuliza ku lugero lwa Yona n'ekyennyanya.

2. Ebikyefananyiriza (mu nkola y'okugonda oba okugoberera enkola entuufu.).

### Eky'okulabirako

Oyinza okweyongerayo nga ogamba nti obukulu bw'okugondera bulinga obukulu bw'okugoberera entambula y'ebintu ng'ofumba eby'okulya. Bwotogoberera ngeri ya kubitabulamu ntuufu oyinza obutawomerwa byolya.

3. Ebyabaawo.

### Eky'okulabirako

Oyinza okulaga engeri okugondera Katonda gyekyaali ekikulu mu mbeera emu mu bulamu bwo.

4. Eby'okulabirako (ogerageranya ekintu eri awuliriza).

### Eky'okulabirako

Oyinza okunyonyola embeera abantu abangi gyebagwamu, nolyoka okozesa enono eri embeera eyo.

Eby'okuwandiika —

# ENYANJULA ERI OKUYIGA BAIBULI

Eby'okuwandiika —

## 5. Ebibuuzo.

### Eky'okulabirako

Oyinza okwagala okukozesa enono ng'okozesa ebibuuzo ebisoomooza asoma okulowooza ku bulamu bwe.

Genderera: Ebibuuzo bikozezebwa mu bitundu omuli eby'okola mu massomo g'Ebikolebwa mu kuyiga Baibuli. Kiri eri omuyizi okukozesa eby'okukozesa ebirala okugenda mu maaso n'enkola y'ebyokola.

### Omuwandiisi Kyalowooza:

Ebirowoozo ku kukola Eby'okola:

Eby'okola birina okuba nga bikolebwa. Ekiruubirirwa kwe kuleeta enono za Baibuli mu maka n'obulamu bw'omusomi, Omusomi kyetaaga abeere nga asobola okugamba. "Ensonga ya Baibuli eno enkwaatako n'obulamu bwange."

Eky'okola kyetaaga kibe nga kirabikira ddala bulungi era nga kitegeerekeka eri obulamu bwabwe.

Okussa mu Nkola Okulungi: Ekiragiyo ky'okuba omwesigwa kikukwaatako kitya ku mulimu gwo? Okola ki kyeeke yo bweba nga sente zebateekako zisukka mu saawa zewakolera? Ozesigaliza newegamba nti zabadde zikusaanira? Oba olaga mukama wo n'omukkiriza okusalawo?

Okussa mu nkola okubi: Oli mwesigwa mu byokola? Oyogera amazima?

Genderera: Okuva mu kwetegereza okudda mu kuvuunula okudda mu by'okola kulina okuba nga kulabika bulabisi. Eby'okola ebya Baibuli **tebikolebwa** ku misinji gya birowoozo minafu. Eby'okola ebya Baibuli **bikolebwa** ku misinji gya maanyi egy'okuvuunula n'okwetegereza.

# ENYANJULA ERI OKUYIGA BAIBULI

## V. Okweteekerateekera Amassomo g'Ebikolebwa mu kuyiga Baibuli.

Eby'okuwandiika —

### Eky'okola mu Kibiina:

Omuyizi alina okusoma ekitabo kya Bafiripi waakiri emirundi esatu.

1. Okusoma omulundi ogusooka: Somera ku mbiro eza bulijjo zosomeramu ebitabo (laba ebyafaayo ebiri mu kitabo; laba ebiri mu kitabo; okolewo entegeka eya wamu ey'ebitundu ebikulu eby'ekitabo).
2. Okusoma omulundi ogw'okubiri: kendeenza ku mbiro (tandika okwetegereza okolewo ensonga ng'okusingira ddala oina ekiruubirirwa ky'okuvumbula emilamwa emikulu n'enjigiriza eziri mu kitabo).
3. Okusoma omulundi ogw'okusatu: Kendeenza ddala ku mbiro (tandika okujjuzamu entegeka yo eya wamu mu buli kitundu ng'olaga buli kimu okugenda ewala; tandika okwetegereza buli kimu).

Ebitundu by'essomo lino ebiddako bikwaatagana n'ebiruubirirwa eby'eby'okola ebisatu mu byokola mu kibiina ebiri waggulu omusomesa asobola okukozesa bino nga ekisumuluzo okutwaala ekibiina mu kutuukiriza ebiruubirirwa. Omusomesa yetaaga era okussa essira ku buli nsonga gyewetegerezza.

### A. Okusoma omulundi Ogusooka.

1. Ebyafaayo kyebitegeeza.
  - a. Omuwandiisi ye Paulo (1:1).
  - b. Kirabika ekitabo Paulo yakiwandiika bamusibidde mu nnyumba mu Ruumi.
  - c. Bwetuba bakunoonyereza ne tugamba nti ekitabo kyawandiikibwa mu biseera Paulo bweyali ng'ali mu komera, olwo ekitabo kyawandiikibwa mu mwaka 61/62 A.D (Nga Yesu amaze okuzaalibwa).

# ENYANJULA ERI OKUYIGA BAIBULI

Eby'okuwandiika—

d. Ekitabo kyawandiikibwa eri ekkansa eFilipi.

- 1) Filipi kyaali kibuga kya Ruumi ekikulakulana ennyo. Ekkansa ey'eFilipi yatandikibwa Paulo ku lugendo lwe olw'obuminsani omulundi ogw'okubiri. Ludiya n'omukuumi w'ekkomera omufiripi bebasooka okulokoka (Bik 16:12-40).
- 2) Filipi kyaali ekifo ekiri mu kifo ekisikiriza. Kyaali ekifo ekyali kitwaalibwa okuba omulyango gwa Bulaaya era kyaali amasanganzira awali ebikolebwa bingi mu by'ensubulagana n'ebyentambula.

2. Ebiri mu Kitabo.

a. Ekigendererwa ky'okuwandiika ebbaluwa.

- 1) Ebbaluwa ey'okwebaza olw'ekirabo kyebaweereza Paulo.
- 2) Paulo ayogera ku mbeera ze.
- 3) Ebbaluwa okulagira/okusoomooza, okusingira ddala mu bitundu bino:
  - a) Obumu.
  - b) Okuyimirira nga banywevu mu kuyiganyizibwa.
  - c) Okulabula eri okwewala ab'oluganda ab'obulimba.
  - d) Okusanyukira wakati mu bizibu n'emitaawana.
- 4) Ebbaluwa okunyonyola n'okuteekerateekera okukyaala kwa Timoseewo ne Epafuladito wamu n'olugendo lwa Paulo olusuubirwa.

# ENYANJULA ERI OKUYIGA BAIBULI

## b. Ebisangibwa mu bbaluwa.

- 1) Mu bbaluwa za Paulo eno y'ebbaluwa esinga okwogera ku bimukwaatako.
- 2) Omulamwa oguli waggulu wa byonna guli sanyu. Engeri ez'enjawulo ez'ekigambo "kusanyuka" zirabika emirundi 16 Paulo kyayogerako wano kiri kusanyuka:
  - a) Mu Kusaba (1:4).
  - b) Mu njiri (1:18).
  - c) Mu kwewaayo olw'ekigendererwa (2:17, 18).
  - d) Mu Mukama (3:1).
  - e) Mu kufa ku balala (4:10).

## c. Okuwumbawumbako ebiri mu kitabo.

- 1) Omwoyo n'endowooza bya Paulo bilabwa bulungi mu bbaluwa ye eno emukwaatako era ey'omukwano ddala. Yali omusajja ow'emirembe n'essanyu. Ebintu bino byeyongera okukulukuta okuva mu ye bweyali nga ali yekka mu kkomera nga alinda okusalibwa omusango. Kyaama ki kyeyalina. Ebirowoozo bye yabijjuza Yesu Kristo.
- 2) Wewaawo, essanyu gwemulamwa omukulu mu kitabo kino, naye mungeri nti kye kiva mu kubeera nti ojjudde Kristo kyokka. Obubaka ebintu ebirala kwebyekulungira mu kitabo kino ye Kristo. Mazima ddala, elinnya lye lirabika emirundi 17 mu suula esooka mwokka.
- 3) Lowooza ku ntegeka eno wansi elaga essira Paulo lyateeka ku Kristo.
  - a) Esuula 1.
    - (1) Kristo y'ensibuko y'ekibala eky'omwoyo (1:11).
    - (2) Kristo omulamwa gw'okubuulira (1:18).
    - (3) Kristo kye kigendererwa ekisingira ddala okuba waggulu mu buweereza bw'Omukristaayo (1:20, 21).

Eby'okuwandiika —

# ENYANJULA ERI OKUYIGA BAIBULI

Eby'okuwandiika

- b) Esuula 2. Kristo yekka Y'alaga omwoyo n'eky'okulabirako ekituukiridde (2:5-11).
- c) Esuula 3.
  - (1) Kristo: Okumumanya n'okumutegeera ky'ekisingira ddala obukulu omuntu kyalina okutakabanira mu bulamu (3:7-14).
  - (2) Kristo; oyo mu kulabisibwa Kwe emibiri gya bakkiriza gijja kuwaanyisibwa (3:20, 21).
- d) Essula 4.
  - (1) Kristo: amaanyi tegakugirwa mu bulamu bw'Omukristaayo (4:13).
  - (2) Kristo: ensibuko y'obugabirizi obw'obwa Katonda eri buli kyetaago (4:19).
- 4) Ekitabo kya Bafiripi kijja kusoomooza Omukristaayo asoma buli lwakisoma. Oba oli awo Abafiripi, okusinga ekitabo ekirala kyonna, kiraga okwagala okungi Paulo kwalina eri ekkansa emu. Nolwekyo, kisoomooza nyo!
- 3. Okulaga ebiri mu bitundu ebikulu eby'ekitabo (bigabanyiziddwamu mu bitundu 8).
  - a. **Ekitundu 1:** Okweyanjula n'okulamusa (1:1, 2).
  - b. **Ekitundu 2:** Okwebaza n'okusaba (1:3-11).
  - c. **Ekitundu 3:** Ebirungi ebivudde mu kusibwa kwa Paulo (1:12-26).
  - d. **Ekitundu 4:** Okulagira n'okusoomooza (1:27-2:18).
  - e. **Ekitundu 5:** Okunyonyola okw'okutuma abalala gyebali (2:19-30).
  - f. **Ekitundu 6:** Okwongera okulagira n'okusoomooza (3:1-4:9).
  - g. **Ekitundu 7:** Okwongera ku bbaluwa: Okuddamu okusiima olw'ekirabo (4:10-19).
  - h. **Ekitundu 8:** Okumaliriza (4:20-23).



# ENYANJULA ERI OKUYIGA BAIBULI

## B. Okusoma Omulundi Ogw'okubiri.

Eby'okuwandiika —

1. Eby'okwetegereza ebikulu (emilamwa emikulu n'enjigiriza).

a. Koinonia (okussa ekimu).

1) Ebirowoozo by'okugabana, okwenyigiramu, n'okuba nga bassa kimu nga bwe kidingana mu kitabo kyonna.

2) Paulo yegendereza okussa essira ku bulamu bwagabana n'Abafiripi.

a) **OKUGABANA** mu njiri (1:5).

b) **ABAGABANA** ekisa wamu nange (1:7).

c) **OKUSSA EKIMU** okw'Omwoyo (2:1).

d) **MUGABANE** essanyu lyange/**NGABANE** essanyu lyammwe (2:17, 18).

e) **OKUSSA EKIMU** okw'ebibonobono bye (3:10).

f) **BAAKOLERA** wamu nange (4:3).

g) **OKUGABANA** ku bibonobono byange (4:14).

h) **OKUSSA EKIMU** nange (4:15).

b. Katonda ensibuko.

1) Ensonga eno Paulo gyayagala okussaako essira eyogera ku Katonda. Ayagala kulaga bufuzi bwa Katonda.

2) Asinga kwagala kukikola kino nga kyategeeza kwe kubeera n'obugumu awamu n'esuubi.

a) Katonda ye **YATANDIKA** omulimu/  
**Y'AGWONGERAYO Y'AGUMALIRIZA** (1:6).

b) biriwo **KUYITA MU** Yesu (1:11).

c) era **BIVA ERI** Katonda (1:28).

# ENYANJULA ERI OKUYIGA BAIBULI

Eby'okuwandiika—

- d) Katonda akolera **MU** mmwe (2:13).
  - e) **OBUVA ERI** Katonda (3:9).
  - f) Katonda **ALIBABIKKULIRA** (3:15).
  - g) olwa maanyi **YE** galina **N'OKUSSA EBINTU BYONNA WANSI** (3:21).
  - h) **OKUYITA MU** awa amaanyi (4:13).
- c. Eby'ennaku ezisembayo n'eby'omu maaso.
- 1) Paulo addamu okwogera ku nnaku ez'oluvanyuma.
  - 2) Yali alowooza ku bya mu maaso.
    - a) Okutuusa ku **LUNAKU LWA KRISTO** (1:6).
    - b) okutuusa ku **LUNAKU LWA KRISTO** (1:10).
    - c) **OKUFA** ge magoba...okugenda **OKUBEERA NE KRISTO** (1:21, 23).
    - d) **OLUNAKU LWA KRISTO** (2:16).
    - e) **OKUYITA KWA KATONDA OKWA WAGGULU** (3:14).
    - f) **TULINDIRIRA** omulokozi (3:20).
    - g) **ALIWANYISA** omubiri (3:21).
    - h) mu **KITABO KY'OBULAMU** (4:3).
    - i) Mukama **ALI KUMPI** (4:5).

# ENYANJULA ERI OKUYIGA BAIBULI

Eby'okuwandiika —

- d. Obulokozi nga emitendera.
- 1) Paulo akola enjigiriza ye ey'ebya Katonda ku kutukuzibwa.
  - 2) Okukula mu Bukristaayo kitwaala ekiseera. Obukristaayo buyita mu mitendera.
    - a) **ALIGUTUUKIRIZA** (1:6).
    - b) **MUTUUKIRIZENGA** obulokozi bwammwe (2:12).
    - c) **NFUBA** (3:12).
    - d) **NKUNUNKIRIZA...OKUTUUKA** (3:13, 14).
    - e) **TULINDIRIRA** (3:20).
- e. Kristo mu ffe. Enjigiriza eno Paulo ajogerako nga amazima mu ngeri nyingi ez'enjawulo.
- 1) Mbalumirwa.. **N'OKUSAASIRA KWA KRISTO** (1:8).
  - 2) Kristo...agulumizibwe **MU MUBIRI GWANGE** (1:20).
  - 3) okuba omulamu **YE KRISTO** (1:21).
  - 4) **KATONDA MU MMWE** (2:13).
  - 5) ndabikire **MU YE** (3:9).
  - 6) **OKUYITA MU YE** (4:13).
- f. Okubuulira enjiri. Kubeera kintu Paulo kyassaako essira bulijjo.
- 1) **OKWOGERA EKIGAMBO...BABUULIRA...BABUULIRA KRISTO** (1:14, 15, 17).
  - 2) **ETTABAAZA** z'omu nsi...**NGA MUNYWEZA** ekigambo ky'obulamu (2:15, 16).
  - 3) Okuzibiikiriza kwammwe **KUMANYIBWENGA** (4:5).

# ENYANJULA ERI OKUYIGA BAIBULI

Eby'okuwandiika—

- g. Edowooza embi mu bibiina bya bantu ebimu. Paulo alaga ekifananyi ekibi eky'ebibiina bya bantu ebimu.
  - 1) **ABABUULIZI** abalina ebigendererwa ebikyaamu (1:7).
  - 2) **BALABE** bammwe (1:28).
  - 3) **ABO** bonna banoonya (2:21).
  - 4) Mwegenderezenga **EMBWA** (3:2).
  - 5) **ABO BALABE** (3:18).
- h. Okulaba/okufa ku balala. Paulo afa ku bantu abalala mu by'okola n'ebya Katonda.
  - 1) mbasabira... **MWENNA....MBALINA** mu mutima gwange (1:4, 7).
  - 2) ku **LWAMMWE** (1:24).
  - 3) buli muntu afe ku **MULALA** (2:3).
  - 4) buli muntu afe ku **BYA BALALA** (2:4).
  - 5) alifa ku **BYAMMWE** (2:20).
  - 6) muyambe **ABAKAZI BANO** (4:3).
  - 7) noonya...ku muwendo **GWAMMWE** (4:17).
- i. Obumu. Paulo amanyi bulungi obukulu/omugaso gw'obumu.
  - 1) munywedde mu mwoyo Gumu, nga mulwanira **WAMU** n'emeeme **EMU** (1:27).
  - 2) mulowooza **BUMU** ... **BUMU** mu mwoyo (2:2).
  - 3) **AWATALI...MPAKA** (2:14).
  - 4) mubeere mu **BUMU** (4:2).

# ENYANJULA ERI OKUYIGA BAIBULI

- j. Okubonabona. Paulo tatya kuddingana mulamwa gwa kubonabona kwa Mukristaayo.
- 1) **OKUBONABONANGA** ku lulwe (1:29).
  - 2) nga mulina... **OKULWANA** (1:30).
  - 3) **OKUFA** okw'oku **MUSALABA** (2:8).
  - 4) nfukibwa... **SADAAKA** (2:17).
  - 5) yabulako katono **OKUFA** (2:30).
  - 6) **NAFIIRWA** (3:8).
  - 7) okussa ekimu **OKW'EBIBONOBONO** (3:10).
  - 8) **OKUBONABONA** olw'ebyetaago (4:12).
- k. Okufaayo okw'obusumba. Okufaayo kwa Paulo okw'obusumba kulabika mu kuddingana okugamba nti ayagala okubalaba.
- 1) engeri **GYE MBALUMIRWA** (1:8).
  - 2) ndibeera **WAMU NAMMWE MWENNA** (1:25).
  - 3) olw'okujja **GYEMULI** nate (1:26).
  - 4) bwe ndijja **OKUBALABAKO** (1:27).
  - 5) Nange **NJA KUBA NZIJA** (2:24).
  - 6) be **NNUMIRWA OKULABA** (4:1).

Eby'okuwandiika —

# ENYANJULA ERI OKUYIGA BAIBULI

Eby'okuwandiika —

1. Okwegatta n'abalala. Paulo yeyogerako emirundi mingi nga eyenkanankana era eyegatta n'abalala.

1) **YETABA** mu njiri (1:5).

2) **AYITA** mu kuwakanyizibwa kwekumu (1:30).

3) **YAWEEREZANGA WAMU NANGE** (2:22).

4) Mulwanyi/mukozi **MUNNANGE** (2:25).

5) Omutindo **GWETUTUUSEKO** (3:16).

6) **FFE** okuba eky'okulabirako (3:17).

7) Bakozi **BANNANGE** (4:3).

m. Ebimu ku bigambo ebirala n'endowooza endala:

1) obutaba na kya kunenyezebwa (1:10; 2:15; 3:6).

2) okukakasa (1:10; 2:25).

3) munywere (1:27; 4:1).

4) ekitiibwa kya Katonda (2:11; 1:11; 4:20).

5) okulabira ku mulala (3:17; 4:9).

6) essanyu/okusanyuka (1:4,18; 2:2, 17, 18, 28, 29; 3:1; 4:4, 10).

7) Katonda; Mukama; Okwagala; Emirembe; Enjiri; Obulokozi; Okukkiriza; Ekitiibwa; Kristo Yesu..

# ENYANJULA ERI OKUYIGA BAIBULI

## C. Okusoma Okw'okusatu.

Eby'okuwandiika —

### Omuwandiisi Kyakyogerako:

Omusomesa ajja kugaziya eri abayizi entegeka y'ebiri mu massomo g'Eby'okola mu kuyiga Baibuli.

Soomoza abayizi okukolawo entegeka zaabwe eza buli kitundu. Balagire okufuba ennyo ku kumanya/okulaba enkolagana z'ebika eby'ebigambo wakati w'ebitundu by'entegeka eby'enjawulo.

Okutwaalira awamu osobola okuyiga engeri y'okusoma ekitabo kya Baibuli nga oyiga engeri y'okukola entegeka ennungi.

# ENYANJULA ERI OKUYIGA BAIBULI

Eby'okuwandiika —

## Omuwandiisi Kyakyogerako: Okukolawo Entegeka Eziri mu Bujjuvu

1. Edaala erisooka kwe kusoma ekitabo emirundi egiwera okutandika okufuna okukwaatagana kw'ebirowoozo mu bwongo bwo ne mu mwoyo.
2. Olwo, kolawo entegeka y'ekitabo esinga okuba enkulu.

Ebirowoozo ebikulu, n'ebibuuzo, n'ebirala bitandikira wa era bikoma wa?

Okusinziira ku ky'okuddamu ky'ekibuuzo kino osobola okugabanyamu ekitabo mu bitundu ebikulu (okuva nga ku 2 oba oli awo okutuuka ku bitundu 15 oba n'okusingawo).

Kati lowooza ku ngeri ebitundu eby'enjawulo gyebikwaatagana (enkolagana y'ebigambo). Kino kijja kwongera ku busobozi bwo obw'okutegeera ekitabo engeri gyekikwaatagana.

3. Kati ate, damu enkola eno. Ku mulundi guno ate, mu kifo ky'ekitabo okubeera nti kyokolako, buli kitundu kifuuka ekyo kyokolako. Buli kitundu kisomemu emirundi egiwera okusobola okufuna entegeka y'ebirowoozo mu bwongo bwo ne mu mwoyo. Kolawo entegeka eya buli kitundu.
  - Ebirowoozo, ebibuuzo, ebinyonyola, n'ebirala bitandikira wa era bikoma wa?
  - Okusinziira ku ky'okuddamu ky'ekibuuzo kino osobola okutandika okugabanyamu ebitundu ebikulu okubifuula obutundu obutono.
  - Kati lowooza engeri ebitundu eby'enjawulo gyebikwaatagana/gyebikolaganamu (enkolagana mu nkozesa y'ebigambo).
4. Enkola eno esobola okuddibwamu emirundi gyonna egyetaagisa. Mu ntandikwa ekitabo ky'ekyaali eky'okukozesa. Nolyoka okozesa ebitundu ebikulu. Kati osobola okulowooza ku buli kitundu ekiri mu bitundu. Kino kisobola okukolebwa okutuusa lwofuna entegeka y'ekitabo egaziyiziddwa nga bwosazeewo okukikola.
5. Jukira: Ekikulu kwekuzuula endowooza wezitandikira ne wezikoma, n'okuzuula enkolagana wakati w'ebitundu ebikakasiddwa.



# ENYANJULA ERI OKUYIGA BAIBULI

## Omuwandiisi Kyakyogerako:

Okulunganya ku ngeri y'okukola Ensonga:

Kozesa okulunganya kuno okusitulawo okubaganya ebirowoozo mu kibiina abayizi webanakolera okunoonyereza ku nsonga.

Ebintu ebisatu eby'enjawulo mu kukola okunoonyereza bimanyibwa mu ngeri eno:

- 1) "Ebitundu" biri mu nnukuta entono.
- 2) Enkolagana wakati w'ebitundu eri mu **NNUKUTA NENE**.
- 3) Ebyawandiikibwa ebijuliza biri mu.

Eby'okuwandiika —

Wano wansi awaddako lwe lukalala olw'okunoonyereza okwakolebwa okusinziira ku bitundu bya Bafiripi byetwamaze okukakasasa.

### 1. Ekitundu 1 (Baf 1:1, 2).

- a. Ebigambo “Abatukuvu”, “Abalabirizi, ne “Abadiikoni” bikozezebwa ku bantu **ABASSUKKA MU MUNTU OMU** (1:1).
- b. Paulo **YEYITA** muddu ye ne Timoseewo (1:1).
- c. Elinnya “Yesu” **LIDDIBWAMU** emirundi esatu mu nyiriri biri zokka (1:1, 2).

# ENYANJULA ERI OKUYIGA BAIBULI

Eby'okuwandiika—

## 2. Ekitundu 2 (Baf 1:3-11).

- a. Waliwo **OKWEYONGERAYO** wakati wa “mbasabira” ne “kino kye nsaba” (1:4, 9).
- b. “olw'okussa ekimu kwabwe okw'okubunya enjiri” kyanjula **EKIREETERA** Paulo okusaba nga yebaza n'essanyu (1:5).
- c. “kubanga” kyanjula **ENSONGA** y'okuba n'okukkiriza (1:6-8).
- d. Yesu Ye **Y'ENSIBUKO** y'okulumirirwa Paulo kwalumirwa Abafiripi (1:8).
- e. “kino” **KIRAGA** ebiri mu saala ya Paulo (1:9).
- f. “mulyoke” kyanjula **OMUGASO** gw'okwagala kwabwe okweyongerako (1:10).
- g. “nga mujjudde” kiri mu **MBEERA YA KAAKATI** era kiraga **ENKOLA** y'okweyongera mu kwagala (1:11).
- h. “Ku bwa” kiraga nti Yesu **Y'ENSIBUKO** oba **EKIREETA** enkola (1:11).
- i. “eri” kigambo ekyanjula **OMUGASO** gw'okulabisibwa kw'enkola (1:11).
- j. “okutuusa ku lunaku lwa Kristo” **KIDDIBWAMU** (1:6, 9).
- k. Waliwo **OKWEYONGERAYO** okw'endowooza y'okumaliriza: “aligutuukiriza” (1:6); “abatalina kabi” oba abatuukiridde (1:10); “nga mujjudde” (1:11).

## 3. Ekitundu 3 (Baf 1:12-26).

- a. “ne balyoka” kyanjula **OKUNYONYOLA** engeri okusibwa kwa Paulo gye kuvuddemu okweyongera ennyo okubuulira enjiri; “n'okusibibwa” **KYONGERA OKUNYONYOLA** (1:13, 14).
- b. Waliwo **OKWEYONGERAYO** wakati w'ebigambo “okwogera” ne “okubuulira” (1:14, 15).
- c. Waliwo **OKULAGIRA DDALA KI KYEKIRI** (1:15) mu **KUNYONYOLA KWA PAULO** (1:14) okwa lwaki Abaruumi babuulira.

# ENYANJULA ERI OKUYIGA BAIBULI

- d. Ebibinja bibiri **BYANJULWA** (1:15). N'ebigendererwa byabyo **BINYONYOLWA** (1:16, 17).
- e. **EKIBUZO** "Olwo ki?" (1:18) kikozebwa okukola **OKUSALAWO** ku biki Paulo byawulira.
- f. Ekigambo 'okusanyuka" **KIDDIBWAMU** (1:18). Awasooka kiri mu **MBEERA EYA KAAKATI** (nkisanyukidde). Aw'okubiri kiri mu **MBEERA EY'EBY'OMU MAASO (NDISANYUKA)**.
- g. "kubanga" kyanjula **ENSONGA** lwaki alisanyuka (1:19).
- h. "olw'okusaba" ne "okusinziira ku" byanjula **ENGERI** y'okununulibwa (1:19,20).
- i. "nti" **KIRAGA** esuubi lya Paulo (1:20); "naye" kyanjula **ENJAWULO ERIWO** eyo **EYEYONGERA OKULAGA** esuubi lya Paulo (1:20).
- j. "oba kuyita mu" byanjula **ENKOLA** eyinza okuyitibwamu okugulumiza Kristo (1:20).
- k. "kubanga" kyanjula **OKUNYONYOLA** lwaki ekimu ku bibiri kyoyinza okuyitamu kijja kutegeeza kununulibwa (1:21).
- l. Waliwo **OKWEYONGERAYO** wakati w'ebigambo "kufa" ne "okugenda" (1:21, 23). Waliwo **OKWEYONGERAYO** wakati wa "magoba" ne "kwe kusinga ennyo" (1:21, 23).
- m. Waliwo **OKWEYONGERAYO** wakati wa" (1:21), "okuba omulamu" (1:22), ne "okusigala" (1:24). Nolwekyo, era waliwo **OKWEYONGERAYO** wakati wa "Kristo" (1:21), ne "omubiri" (1:22), ne "omubiri" (1:24).
- n. Waliwo **OKWEYONGERAYO** wakati wa 'okubeera ku lwammwe" (1:24) ne "ndibeera"... olw'okuyitirira kwammwe (1:25).
- o. "kulyoke" kyanjula **EKIRUUBIRIRWA** kya Paulo okusigala nabo (1:26).

Eby'okuwandiika —

# ENYANJULA ERI OKUYIGA BAIBULI

Eby'okuwandiika—

## 4. Ekitundu 4 (Baf 1:27-2:18).

- a. Waliwo **OKWEYONGERAYO** wakati wa "Mweyise" (1:27), "Mukolenga ebintu byonna" (2:14) ne "Temukolanga kintu kyonna" (2:3).
- b. "mulyoke" kyanjula **OMUGASO** gw'enneyisa yaabwe ennungi (1:27).
- c. Waliwo **OKWEYONGERAYO** wakati wa 'endowooza emu" ne "omwoyo gumu" (1:27).
- d. "Ku lwa" kyanjula **OKUNYONYOLA** kwa lwaki empisa y'obulamu eri kyeri (1:29).
- e. Waliwo byetulaba ebikulu bingi **EBYEYONGERAYO** wakati wa 1:27; 2:1; ne 2:2:
  - 1) "munywedde" (1:27); "okuzaamu amaanyi/okukubagiza" (2:1); "mutuukirize" (2:2).
  - 2) "Omwoyo gumu/endowooza emu" (1:27); "okussa ekimu okw'omwoyo" (2:1); "nga mulina omwoyo gumu/endowooza emu" (2:2).
  - 3) "nga mulwanira wamu" (1:27); "okusaasira" (2:1); "nga mulina ekigendererwa kimu" (2:2).
- f. Waliwo **OKWEYONGERAYO** wakati wa "Mweyise... nga bwekigwanira...ya Kristo" (1:27), era "Mubeerenga n'endowooza eno mu mmwe...mu Kristo" (2:5).
- g. Waliwo **OKUDDINGANA** kw'ebigambo by'Oluyonaani: "okulowooza"="ekigendererwa"="endowooza" (2:2 ne 2:5).
- h. Waliwo **OKWEYONGERAYO** wakati wa "temukolanga kintu ... naye" ne "temu...naye" (2:3 ne 2:4). Olw'okweyongerayo kuno tuyinza okugamba nti 2:4 **ENYONYOLA** 2:3 bulungi.
- i. Ekigambo 'naye' kyanjula **OKUKONTANA** (2:3 ne 2:4).
- j. "ne" kyanjula **ENKOLA** ekozesebwa okusobola "buli omu okugulumiza munne okusinga bwe yegulumiza yekka" (2:3).

# ENYANJULA ERI OKUYIGA BAIBULI

Eby'okuwandiika —

- k. “Oyo' kyanjula Kristo kye yakola era n'olwekyo kyanjula **ENKOLA** omuva okubeera n'endowooza (2:6).
- l. “Nolwekyo" kyanjula **EBYAVA** mu bikolwa bya Kristo (2:9).
- m. Waliwo okuva ku bintu eby'okutwaalira awamu okudda ku kintu ekimu (**NGA BWEKIRI**) ekiwa **OKUNYONYOLA** kwebyo **EBIVAAMU** (2:9-11).
- n. “eri" kigambo ekiraga era ekikola okwanjula **OMUGASO** gw'okugulumizibwa kwa Kristo (2:11).
- o. “Kale nno" kyanjula **OKUMALIRIZA** oba **KYEKITEGEEZA** (2:12).
- p. Tulaba **OKWEYONGERAYO** wakati w'ebitundu (1:27-2:13 ne 2:14-18):
  - 1) Mu 1:27-2:13 tulaba eneyisa ya:
    - a) Obumu.
    - b) okuyimirira okuwakana n'okuwakanyizibwa.
  - 2) Mu 2:14-18 tulaba eneyisa ya:
    - a) obutemulugunya oba obutaba na mpaka (bumu).
    - b) “wakati mu" (kuwakanyizibwa)/ n'okunyweza kye mukutte (okuyimirira okuwakana n'okuwakanyizibwa).
  - 3) Mu 1:27-2:13 tulina:
    - a) eky'okulabirako (Yesu).
    - b) kye kitegeeza engeri Abafiripi gyebalina okuddamu eri eky'okulabirako ekyo.

# ENYANJULA ERI OKUYIGA BAIBULI

Eby'okuwandiika—

4) Mu 2:14-18 tulina:

- a) eky'okulabirako (Paulo).
- b) kye kitegeeza engeri Abafiripi gye balina okuddamu eri eky'okulabirako ekyo.

q. “ekyo” kyanjula **OMUGASO** gw'obutemulugunya (2:15).

5. Ekitundu 5 (Baf 2:19-30).

a. Waliwo **OKWEYONGERAYO** wakati wa 2:19; 2:24; ne 2:25:

- 1) “Naye nsuubira mu Mukama waffe Yesu okubatumira amangu Timoseewo” (2:19).
- 2) “Nange nesiga Mukama nti nze mweene nja kuba nzija mangu” (2:24).
- 3) “Naye nalowooza nti kyetaagisa okubatumira Epapulodito” (2:25).

b. “ndyoke” kyanjula **EKIGENDERERWA** ky'olugendo lwa Timoseewo (2:19).

c. Waliwo **OKWEYONGERAYO** ku kikwaatagana ku kwagala kwa Paulo okumanya ku ngeri Abafiripi gyebalimu ku bikwaata ku by'Omwoyo (1:27; 2:12; ne 2:19).

d. “Kubanga” kyanjula **ENSONGA** oba **EKIMULEETERA** okubatumira Timoseewo (2:20).

e. “Kubanga” kyanjula **ENSONGA** endala olw'okutuma Timoseewo ate nga kyanjula **ENSONGA** olw'obutatuma muntu mulala (2:21).

f. “Naye” kyanjula **OKUKONTANA** wakati wa Timoseewo n'abo abogerwako mu 2:21 (2:22).

g. “ng'omwana ” kyanjula **OKUGERAGERANYA** (2:22).

h. Ekigambo "munange" **KIDDIBWAMU** emirundi ebiri era kitegeeza ebintu bibiri (2:25).

# ENYANJULA ERI OKUYIGA BAIBULI

- i. Paulo awa **ENSONGA** satu olw'okutuma Epapuladito ate azanjula n'ebigambo:
    - 1) “kubanga” (2:26).
    - 2) “nate mulyoke” (2:28).
    - 3) “nate” (2:28: “kyekitegeeza kiri nti mulyoke).
  - j) “kubanga” kyanjula **ENSONGA** lwaki Abafiripi balina okussaamu Epapuladito ekitiibwa (2:30).
6. Ekitundu 6 (Baf 3:1-4:9).
- a. Ekigambo "eky'enkomerero" **KIDDIBWAMU** emirundi ebiri (3:1 ne 4:8).
  - b. Waliwo **OKWEYONGERAYO** kw'endowooza mu nkozesa y'ebigambo 'kuleeta bukuumi" ne " Mwekuume” (3:1 ne 3:2).
  - c. Ebigambo "okukomola okw'obulimba' ne " okukomola okutuufu' bisaaawo **ENJAWULO** (3:2 ne 3:3).
  - d. Ekigambo "mateeka" **KIDDIBWAMU** emirundi esatu (3:5, 6, 9).
  - e. Waliwo **ENJAWULO** wakati wa 'abatesiga mubiri' ne "Nze nyinze okuba n'obwesige mu mubiri” (3:3 ne 3:4).
  - f. “ndyoke' kyanjula **EKIRUUBIRIRWA** kya Paulo okufiirwa byonna olwa Kristo (3:10).
  - g. “mufanane" kyanjula **ENKOLA** ey'okufunamu ebigendererwa byeyayogeddeko (3:10).
  - h. “bwe ndiyinza" kyanjula byayagala **BIVEEMU** okusinziira ku **NKOLA** (3:11).
  - i. “naye" kiraga **ENJAWULO** eriwo wakati wa "nfuba" ne "ntuukirizibwa” (3:12).
  - j. “ndyoke" kyanjula **EKIRUUBIRIRWA** "ky'okufuba” (3:12).

Eby'okuwandiika —

# ENYANJULA ERI OKUYIGA BAIBULI

Eby'okuwandiika—

- k. Waliwo **OKWEYONGERAYO** wakati w'ebigambo 'okufuba"; "nkununkiriza"; ne "nduubirira okutuuka awakanirwa" (3:12, 13, 14). Buli kigambo kilaga okugenda mu maaso era kyogera ku mitendera.
  - l. “Kubanga' kyanjula **ENSONGA LWAKI** Paulo abalagira mu 3:17 (3:20).
  - m. Waliwo **ENJAWULO** wakati wa "ogw'ensi" ne "ogw'eggulu" (3:19 ne 3:20). Waliwo **ENJAWULO** wakati wa "omubiri ogw'okutoowazibwa kwaffe" "n'omubiri ogw'ekitiibwa kye" (3:21 ne 3:20).
  - n. “ng'okukola kyanjula **ENSIBUKO** y'okukyuusibwa (3:21).
  - o. “Nolwekyo" kyanjula **KYEKITEGEEZA** okuba nti Abafiripi betaaga babeeko kyebakola olw'esuubi ery'eby'omu maaso Paulo lyayogerako mu 3:21 (4:1).
  - p. “munywere **KIDDIBWAMU** (1:27 ne 4:1).
  - q. Waliwo enjawulo wakati w'ebigambo "kusanyuka" "n'okweraliikirira (4:4 ne 4:6).
  - r. “naye" kyanjula ekintu mu kifo kya okweraliikirira (4:6).
  - s. Waliwo okweyongerayo wakati w'ebigambo "n'emirembe gya Katonda" ne "Katonda ow'emirembe" (4:7 ne 4:9). Enyiriri zino zombi zanjula ebiva mu kugondera ebiragiro ebiweereddwa.
7. Ekitundu 7 (Baf 4:10-20).
- a. “Kubanga" Kyanjula **ENSONGA** lwaki Paulo ' tayogera bwogezi ye byayagala” (4:11).
  - b. Waliwo **OKUDDINGANA** ebigambo:
    - 1) “Si kubanga Nze” (4:11).
    - 2) “Si kubanga Nze” (4:17).



# ENYANJULA ERI OKUYIGA BAIBULI

- c. Waliwo **OKWEYONGERAYO** wakati w'ebigambo bino:
  - d. “**BIBALA** byongera ku **MUWENDO GWAMMWE**” (4:17).
  - e. “**ANAGABIRIRA EBYETAAGO BYAMMWE** byonna” (4:19).
  - f. Waliwo **OKUDDINGANA** wakati w'ebigambo 'mwaweereza" ne "muweereza” (4:16 ne 4:18).
8. Ekitundu 8 (Baf 4:21-23). “Mulamuse **KIDDIBWAMU** emirundi esatu (4:21, 22).

Eby'okuwandiika —

## VI. Okumaliriza Essomo.

### A. Ekiruubirirwa Ekisooka eky'essomo lino.

1. Kati tufunye okutegeera ku kuyiga Baibuli nga tugerageranya ebintu. Tukoze ensonga.
2. Ekiruuubirirwa kyaffe kwe kuyita mu mitendera gyonna egy'okuyiga Baibuli nga tugerageranya ensonga. Kino kijja kukolebwa mu massomo agaddirira ana.

# ENYANJULA ERI OKUYIGA BAIBULI

Eby'okuwandiika—

## B. Ebirubirirwa Eby'omumaaso Eby'essomo lino.

1. Omuyizi bwaba amaze esomo lino ajja kutandika Amassomo g'Ebikolebwa mu kuyiga Baibuli.
2. Okuyiga mu kino, kisuubirwa nti omuyizi ajja kuba ne:
  - a) Obusobozi bw'okuyiga ekitabo ekirala kyonna ekiri mu Baibuli.
  - b) Okwagala okuyiga ebitabo ebirala byonna ebya Baibuli.
    - 1) Enkola eno nkola mpanvu ya mu bulamu era kirina okuba ekimu ku birubirirwa ebisinga mu bulamu bwo.
    - 2) Bwoba nga oli mwesigwa olwo ojja kuba osobola okukola okuyiga okugenda ewala okw'ebitabo bingi ebya Baibuli.
    - 3) Mu bbanga ery'obulamu bwo osobola okwekolera enzivuunula zo ku bitabo bingi ebya Baibuli.
    - 4) Okuva mu kuyiga kwewekolera mwe muva okuyigiriza, enjiri amagezi, n'okusinga ennyo omukisa Katonda okukwebikulira n'okukukyuusa okukufananya Omwana We Yesu.

# ENYANJULA ERI OKUYIGA BAIBULI

## Enyanjula ku Kuyiga Baibuli: Awokujuliza

Eby'okuwandiika —

<sup>1</sup>Robert Traina, Methodical Bible Study (Enkola z'Okuyiga Baibuli).  
Wiltmore, KY: Zondervan Publishing House, 1985.

<sup>2</sup>Charles Holman, Principles of Bible Study course at Regent University, 1987  
(Essomo ly'Enono ku Kuyiga Baibuli mu Regent University mu 1987, 1987).

# ENYANJULA ERI OKUYIGA BAIBULI

Eby'okuwandiika —